



Reykjavík, 5.2.2021

Heilbrigðisráðherra
Svandís Svavarsdóttir
Skógarhlíð 6
105 Reykjavík

**Efni: Umsögn Félags sjúkráðjálfa um tillögu að þingályktunartillögu, mál nr. 21/2021:
Landsráð um mönnun og menntun í heilbrigðisþjónustu.**

Í framkominni ályktun er rætt um atriði á borð við vinnuálag og vinnutíma, kynningu á heilbrigðisstörfum, starfstengda leiðsögn, klínísk námspláss, fjármagn fylgi nemendum, styrkir til náms, framhaldsmenntun. Nánast allt mögulegt er nefnt og tínt til sem er góðra gjalda vert, nema það eina stóra atriði sem er fyllinn í herberginu, þ.e. sú staðreynd að laun í ríkisrekna heilbrigðisgeiranum standast engan samanburð við þær tekjur sem menntuðu fólki býðst á almennum vinnumarkaði. Á meðan það er ekki leiðrétt er gagnslítið að tala um ofannefnd atriði. Það þarf ekki aðeins að fá fólk til að mennta sig til starfa í heilbrigðisgeiranum, það þarf líka að vilja að vinna við það eftir útskrift. Starfsánægja og endurmenntunarmöguleikar greiða ekki húsnæðislán og leikskólagjöld.

Hvatt er til þess að tekið sé á því hvaða áhrif íþyngjandi skilyrði SÍ/HRN er varðar 2 ára lágmarksstarfsreynslu sumra starfsstétta til sjálfstæðrar starfsemi hafi á mönnun og þjónustu, sérstaklega á landsbyggðinni.

Að því sögðu vill Félag sjúkráðjálfa lýsa því að við styðjum framkomna tillögu og teljum skynsamlegt að hafa vettvang á borð við Landsráð um mönnum og menntun í heilbrigðisþjónustu. Brýnt er að greina hver þörfin er til framtíðar og hvernig ber að mæta henni. Hins vegar er hætt við að viðvarandi vandkvæði verði á mönnun til framtíðar verði ekki brugðist við þeim tekjuhalla sem blasir við starfsfólki heilbrigðisgeirans gagnvart öðrum geirum þjóðfélagsins og þeirri staðreynd að aðrir geirar soga til sín unga fólk með betri kjörum. Á því er ekki tekið í þessari þingsályktun.

Fh. Félags sjúkráðjálfa
Unnur Pétursdóttir
Formaður